



Inatsisartunut ilaasortaq,
Erik Jensen
Siumut
Maani/

§ 37 naapertorlugu apeqquteqaammut nr. 57-imut akissut

Inatsisartut suleriaasissaanni § 37 imm. 1 naapertorlugu pisassiissutit, Royal Greenlandi raajallu pillugit Naalakkersuisunut apeqquteqarsimavutit. Apeqqut suliassaqaqfigisannit akineqartussanngorlugu innersuunneqarpoq.

- 1. Nunatta kitaani avataasiorluni qalerallitassiissutit 4.600 tonsit, saarullitassiissutillu 1.950 tonsit, siornali februarimi neqeroortitsissutigineqartut, sooruna ukioq maannamut kikkunnut tunniunneqarnissaat Naalakkersuisuniit suli aalajangerneqanngitsoq?**

1-mut) Naalakkersuisut inaarutaasumik aalajangertinnatik pissutsit assigiinngitsut nalilersornissaat pisariaqartsissimavaat misissueqqissaareqqittariaqarsimallutillu.

- 2. Piffissami taamak sivistigisumi suli aalajangertoqannginneranut Naalakkersuisooqatigiit isumaqatigiissinnaannginnerat tunngaviva?**

2-mut) Apeqqut 1-imut akissut takuuk.

- 3. Pisassiissutit qaqugu nutaanut tunniunneqarnissaat Naalakkersuisut naatsorsuutigaat?**

3-mut) Pisassiissutit aprilimi agguanneqarsinnaanissaat Naalakkersuisut naatsorsuutigaat.

- 4. Royal Greenlandip iluaqutigisinnaasaanik immikkut pineqannginnissaa Naalakkersuisut isumaqatigivaat?**

4-mut) Naalakkersuisut isumaqatigaat Royal Greenland salliunneqarluni immikkut iluaqutissinneqartassanngitsoq. Suliffeqarfilli Namminersorlutik Oqartussat pigisaattut Royal Greenland A/S sumiiffinni imaluunniit piffissami aalajangersimasumi, imminut akilersinnaanngiffiusuni, tunisassiornikkut ingerlatsinissamut pisussaaffilerneqarsinnaavoq - pisussaaffik tamanna suliffeqarfinnut namminersortunut atuutsinneqanngitsoq.

- 5. Imaluunniit Royal Greenlandip inoqarfippassuarni nunaqarfinnilu tunitsivinnik ingerlataqarnera aammalu sinerissap qanittuani aalisartunit tunitsivissaqartuarnera kiisalu nunatsinni suliffissaqartitsinera pissutigalugu immikkut pineqartariaqarnera Naalakkersuisut isumaqatigivaat?**

13-04-2026
Suliap normua: 2026 - 6921
All. nr. 26372102

Postboks 269
3900 Nuuk
Oq. (+299) 34 50 00
Fax. (+299) 34 63 55
E-mail: apn@nanoq.gl
www.naalakkersuisut.gl

5-mut) Apeqquut 4-mut akissut takuuk.

6. Aalisarnermut Piniarnermullu Naalackersuisoqarfik ulloq 14. oktober 2024 Royal Greenland-imiit allagarsiaat qanoq imaqarpat? Taannalu sumik siunertaqarpa?

6-mut) Raajartassat ikiliartorneranut aammalu sinerissap qanittuani raajarniarnerup allangortiteriffigineqarnissaanik naatsorsuutiginninnermut atatillugu Kalaallit Nunaani raajanik tunisassiornermut tunngatillugu Polar Seafoodimik oqaloqatiginnissimanerit pillugit allagaq Royal Greenlandimit Naalackersuisunut nassiussaavoq ilisimatitsissut. Allakkami Royal Greenlandip Polar Seafoodimik oqaloqateqarnermini aaqqiissutissatut takorluugai allakkami saqqummiunneqarput, taamanikkullu aaqqiissutaasinnaasussatut siunnersuummik ilaqarluni.

7. Royal Greenland-imiit ulloq 14. oktober 2024 Naalackersuisoqarfimmud allagaani imarisaanut Naalackersuisut isumaqataappat?

7-mut) Allakkami oqariatuutit Naalackersuisunit aallaaviatigut akerlerineqaratillu isumaqatigineqanngillat. Raajartassat ikiliartornerisa malitsigisaanik tunisassiorfinnut tunngatillugu unammilligassat ingerlatseqatigiiffinit ataatsimoorluni aaqqiissuteqarfigineqarsinnaaneriniq siunnersuutaavoq.

8. Allakkami tassani Aasianni tunitsiviup ammannarnissaanut siunnersuutigineqartut tunitsivimmik piginnittut qanoq akissuteqarfigisimaneraat Naalackersuisup saqqummiukkusuppai?

8-mut) Royal Greenlandip oktober 2024-mi siunnersuutaa tunisassiorfimmik piginnittut periarfissatut isigisimangilaat. Taamaattumik, ingerlatseqatigiiffiit akornanni aammalu ingerlatseqatigiiffiit uangalu akornatsinni oqaloqatigiinnerit sulii ingerlanneqarput.

9. Kitaata avataani rejarniarnermi pisassiissutit appariartornerat aalisarnermut inatsimmut nutaamik suliaqarsimanermik tunngassuteqarpa?

1) Aap 2) Naagga

9-mut) Naamik.

10. Rejertassat appariarnerat taamaasilluni pisassiissutit appariartulernerat ilisimatuussutsikkut siunnersuinerit (biologisk rådgivning) ukiumi arlalinni malinneqartarnerannik tunngaveqarpa?

10-mut) Aap, Kitaani raajarniarneq MSC-imik uppersaasarsugaavoq aqutsinissamillu pilersaaruteqarpoq TAC-inik aalajangersaasarnissanut periusissiatallimmik malitassamik. Taamaattumik aqutsinissamat pilersaarummi sinaakutissat naapertorlugit ilisimatuussutsikkut siunnersuutigineqartut sapinngisamik malinniarneqartarput, siunnersuutigineqartummi allangorarpallaarsimatinnagit TAC-it annertunerpaamik 12,5%-ii ukiumiit ukiumut allangortinneqarsinnaasarmata, sulilu annertunerusunik allanguisoqarsinnaasarluni Aalisarnermut Siunnersuisoqatigiit isumasioereernerisigit. Aqutsinissamat pilersaarut uani takusinnaavat: [Aqutsinissamik pilersaarutiit](#)

Ukiut ingerlanerini raajartassanut takussutissiissut TAC uani takusinnaavatit: [TAC aamma aalisakkanik pisassiissutit](#)

11. Ukioq 2015 avataasiorluni rejertassat pisassiissutit ukioq mannamiit pisassiissutitut sanilliullugit appasinneruneranni tunitsivinnik matusiniarluni pilersaaruteqartoqarnikuuva?

11-mut) Naalackersuisunut ilisimatitsissutigineqartartut napertorlugit pilersaaruteqartoqanngilaq. Tammaatorli ingerlatseqatigiiffinni susoqarnera tamatigut ilisimaneq ajorpagut.


12. Polar Seafood Denmark Aasianni Polar Raajamik affaangajaanik piginneqataasoq kikkunnit piviusumik pigineqarpa aammalu piginnittui sumi angerlarsimaffeqarpat?

12-mut) Polar Seafood Denmark A/S-imik piginnittuiit tassaapput Polar Seafood Greenland A/S aamma S-13 Holding ApS Islandimiunit Brim hf-imit pigineqartoq. CVR-imik nalunaarsuiffik naapertorlugu ingerlatseqatigiiffik piginnittuveqanngilaq, aqutsisullu piginnittutut inissinneqarsimallutik.

13. Naalackersuisut allanik paasissutissaasinnaasunik peqarpat?

13-mut) Oqaatigineqareersutut suliffissat qulakkeerniarlugit Aasianni pissutsit aaqqinneqarnissaanut ingerlatseqatigiiffiit nangillugit oqaloqatigeqqissavakka.

Inussiarnersumik inuulluaqqusillunga



Peter Borg
Aalisarnermut, Piniarnermut, Nunalerinermut Imminullu Pilersornermut Naalackersuisoq